

POPERA GA TITUCAᄂ

NAXÜMATÜXÜ GA PAURU

Tituxü narümoᄂe ga Pauru

1 ¹⁻²Pa Titux, chama i Pauru i Tupanaärü puracütanüxü nixi i cuxcaᄂ chanaxümatüxü i nhaã popera. Rü Ngechuchu ja Cristu nixi ga choᄂü mucü na ngẽma duüxügü i Tupana idexechixümaã nüxü chixuxücaᄂ i norü ore na Tupanaãxü jaxögüãxücaᄂ rü nüxü nacuxgüxücaᄂ i ngẽma norü ore i aixcuma ixixü i tüxü rüngüxẽxü na naxcaᄂ imaxẽxücaᄂ. Rü ngẽmaãcü Tupanaãxü tajaxögü rü naxcaᄂ tamaxẽchaü erü tanajauxgüchaü i ngẽma maxü i taguma gúxü. Rü ngẽma maxü i taguma gúxü nixi ga nuxcümáxüchima ga jexguma taüta naãne üxgu Tupana ja taguma idoracü nüxü ixuxü. ³Rü nhuxma rü marü nawa nangu na Tupana tüxü nüxü cuaxẽxü i ngẽma norü ore i mexü i tüxü maxẽxẽxü. Rü ngẽmacaᄂ nümatama ja Tupana ja tórü maxẽxẽruü choᄂü namu na nüxü chixuxücaᄂ i ngẽma norü ore. ⁴Pa Titux, cuma rü Tupanaärü orewa rü chaune cuixi jerü chauxütawa cunajaxu ga Tupanaärü ore ga noxri rü nhuxma

rü chauxrüü cujaxõ. Rü chanaxwaxe i Tanatü ja Tupana rü Ngechuchu ja Cristu ja tórü maxẽxẽruü na cuxü rüngüxẽgüxü rü cuxü nataãxẽgüxü.

Tituarü puracü ga Cretawa

⁵Rü jexguma Cretaarü capaxügu cuxü chamuxgux, rü cumaã nüxü chixu na jema jaxögüxütanuwa cjanguxẽxücaᄂ ga jema puracü ga tama chaguxẽxü ga jexguma cuxna jema chataegugu. Rü jemacaᄂ cumaã nüxü chixu na wüxichigü ja iãnewa nüxü cuixunetachigüxücaᄂ i tupaucaarü äëxgacügü na jema jaxögüxümaã inacuxgüxücaᄂ, jema cuxna na chaxãgaxürüü. ⁶Rü wüxi i äëxgacü i jaxögüxüãrü, rü nanaxwaxe i meã namaxü na taxüema chixri nachiga idexagüxücaᄂ. Rü nanaxwaxe i wüxitama tixi ja namax. Rü nanaxwaxe i naxãcügü rü jaxögüxü na jixigüxü rü meã na namaxẽxü na taxüema nüxü ixuxücaᄂ na chixri namaxẽxü rü exna chixri nanatüga naxinüxü. ⁷Erü jixema jaxögüxüãrü äëxgacü ixixẽ, rü Tupanaärü puracü nixi i taxüxü. Rü

ngẽmacax tanaxwaxe i aixcuma meã tamaxũ. Rũ tama name i wũxi i jatũ i chixecũmaxũ tixĩ rũ chixexũgu rũxinũxũ tixĩ. Rũ tama name na tangãxũxũ, rũ nuçax tadauxũ, rũ togũ i duũxũgũxũ tawomũxẽxũ i norũ diẽrucax. ⁸Notũrũ tanaxwaxe i guxũguma meã duũxũgũxũ tajaxu i tũmapatawa, rũ aixcuma nũxũ tangechaũ i ngẽma duũxũgũ i meã maxẽxũ. Rũ tanaxwaxe i wũxi i jatũ i aixcuma tũmaãxũ cuãxe tixĩ, rũ guxũguma duũxũgũmaã mecũmaxẽ tixĩ, rũ aixcuma Tupanacax maxũxẽ tixĩ, rũ guxũguma meã tũgũmaã icuãxe tixĩ. ⁹Rũ jĩxema jaxõgũxũãrũ aẽxgacũ ixĩxẽ rũ tanaxwaxe i meãma nagu tixũ i ngẽma ore i aixcuma ixĩxũ ga tũxũ ingũxẽxũ, na tũma rũ ta togũxũ tangũxẽxũçax i ngẽma ore i mexũ, na ngẽmaãcũ nũxũ tanangũchaũxẽxũçax rũ nũxũ tajaxõgũxẽxũçax i ngẽma duũxũgũ i noxri tama jaxõgũchaũxũ. ¹⁰Erũ nangẽxma i muxũma i jaxõgũchirẽxũ i tama aixcuma irũxinũechaũxũ. Rũ ngẽma guxũãrũ jexera tama irũxinũechaũxũ nixĩ i ngẽma Judẽgu i jaxõgũchirẽxũ i naxwaxegũxũ na nuxcũmaxũgũxũ i nacũmawe naxĩxũ i ngẽma jaxõgũxũ. Rũ nũmagũ rũ ore i taxuwama mexũxũ nixugũgũ, rũ ngẽmaãcũ duũxũgũxũ nawomũxẽẽgũ. ¹¹Notũrũ ngẽma duũxũgũ i ngẽmaãcũ chixri ngũxẽtaegũxũ, rũ chanaxwaxe i noxtacũma icujanangeaxgũxẽ. Erũ muxũma i duũxũgũxũ nichixexẽẽgũ rũ nhũxmata nhuxre ja ipatawachigũ rũ nanachixexẽẽ i guxũma i duũxũgũ na tama aixcuma Tupanaãxũ jaxõgũãxũçax. Rũ ngẽma ore i taxuwama mexũmaã

duũxũgũxũ nangũxẽẽ na ngẽmaãcũ nawomũxẽẽgũãcũma ngĩxũ najauxgũxũçax i norũ diẽru. ¹²Rũ wũxi ga jematama capaxũcũãx ga norũ tupanaãrũ orearũ uruũ nixĩ ga natanũxũxũtama ixuxũ rũ nhaxũ: “Rũ nhaã Cretacũãx i duũxũgũ rũ guxũguma dorataãxgũxũ nixĩgũ, rũ nhama naẽxũgũrũũ nidũrae, rũ nitaanũ, rũ nixoxochi”, nhaxũ. ¹³⁻¹⁴Rũ aixcuma nixĩ ga jema ore ga nũxũ jaxuxũ ga jema jatũ. Rũ ngẽmacax chanaxwaxe i poraãcũ cujaxucũxẽgũ i ngẽma jaxõgũxũ na aixcuma meã jaxõgũãxũçax, rũ tama nagu naxĩxũçax i ngẽma Judẽgũcũma. Rũ chanaxwaxe i namaã nũxũ cuixu na tama naga naxĩnũxũçax ega tacũ namuãxgu i ngẽma duũxũgũ i tama nũxũ cuaxgũchaũxũ i ore i aixcuma ixĩxũ. ¹⁵Rũ jĩxema aixcuma Tupanapexewa mexẽ rũ guxũwama tame. Notũrũ jĩxema tama aixcuma Tupanapexewa mexẽ, rũ taxucũrũwa tacũ rũ nacũma i nagu tixũxũmaã tũgũ tamexẽẽ. Rũ woo tũmaãewa nagu tariũxinũxũwa rũ tachixe erũ ngẽma nacũma i nagu tixũxũmaã Tupanapexewa tũgũ tamexẽẽchaũ. ¹⁶Rũ ngẽma duũxũgũ i ngẽmagu rũxinũxũ rũ nũgũ jaxugũgũgu rũ Tupanaxũ nacuaç, notũrũ ngẽma nũmagũ naxũgũxũwa nũxũ tacuaç na tama aixcuma jĩxũ na Tupanaxũ nacuaçgũxũ. Rũ nũmagũ rũ Tupanapexewa nichixe, rũ tama naga naxĩnũẽ, rũ taxuwama nime na tacũ rũ mexũ naxũgũxũ.

Ngũxẽtae i aixcuma mexũ

2 ¹Notũrũ i cuma, Pa Titux, rũ cunaxwaxe i guxũgutãma ngẽma mexũ i ngũxẽtaemaã cunangũxẽẽ rũ

taguma nüxna cuixügachi. ²¡Rü meã jaxucuxëgü i ngëma jatügü i jaguãxgü na aixcuma meã naãëxü nacuaãcüma namaxëxüçax, rü taguma nadauxcüraxüwaxegüxüçax, rü guxüguma meã nagu na naxĩnüëxüçax! ¡Rü nangúexëë na aixcuma meã Tupanaãxü jaxögüãxüçax, rü guxü i duüxügüxü nangechaügüxüçax, rü jaxna namaã naxĩnüëxüçax ega woo tacü rü guxchaxü nüxü üpetügux! ³Rü ngëxgumarüü ta chanaxwaxe i meã cujaxucuxëgü i ngëma ngexügü i jaguãxgü na meã Tupanapexewa namaxëxüçax. Rü tama name na jaxoregütaaxgüxü, rü nangãxëwaxegüxü. Rü name nixĩ i guxü i duüxügüpexewa rü meã namaxë. ⁴⁻⁵Rü ngëma ngexügü i jaguãxgü rü name nixĩ i meã na nangúexëëxü i ngëma ngexügü i paxügü na aixcuma natexü rü naxãcügüxü nangechaügüxüçax, rü meã naãëxü nacuaçgüxüçax, rü mexüguxicatama na naxĩnüëxüçax, rü meã napatana nadaugüxüçax, rü guxü i duüxügümaã namecümagüxüçax, rü aixcuma natega naxĩnüëxüçax na taxúema chixri Tupanaãrü orechigagu idexagüxüçax. ⁶¡Rü ngëxgumarüü ta meãma jaxucuxëgü i ngëma ngextüxücügü na aixcuma meã naãëxü nacuaãcüma namaxëxüçax rü tama nadauxcüraxüwaxegüxüçax! ⁷¡Rü cumatama rü name nixĩ i meã napexewa cumaxü i guxüwama na ngëmaãcü wüxi i norü cuaxruü i mexü cuiixüçax! Rü ngëxguma cunangúexëëgu, rü cunaxwaxe i mexügu curüxinüãcüma cunangúexëë rü tama ixãëwaxeãcüma namaã nüxü cuixu i

ngëma ore. ⁸Rü ngëxguma ngëmaãcü meã cunangúexëëgu i ngëma ore i mexü, rü taxúetáma texé chixri nachiga tidexa. Rü ngëmaãcü ja jíxema chixri tachiga idexagüchaüxë rü tá taxãneë erü taxucürüwa tacü rü chixexüxü tixugü i tachiga. ⁹¡Rü meãma jaxucuxëgü i ngëma duüxügü i coriãxgüxü! ¡Rü namaã nüxü ixu na guxüguma meã norü coriga naxĩnüëxüçax, rü norü corimaã namecümagüxüçax, rü taguma norü corixü nachoxügagüxüçax! ¹⁰Rü tama name i norü coriaxü nangixgü, notürü nanaxwaxe i aixcuma meãma norü corimaã namaxë rü taguma nanawomüxëëgü. Rü ngëxguma ngëmaãcü namaxëgu, rü guxüma i togü i duüxügü tá nüxü nadaugü na nhuxãcü aixcuma namexëchixü i ngëma ore i duüxügüxü namaã ingúexëëxü nachiga ja Tupana ja tórü maxëxëëruü. ¹¹Tupana rü poraãcüxüchima tamaã namecüma, rü jemacçax núma nanamu ga Nane na guxüma i duüxügüaxü nangëxmaxüçax i maxü i taguma gúxü ega nüxü jaxögüãgu. ¹²Rü ngëma na Tupana tamaã mecümamaxüwa nüxü tacuax na namexü na nüxü rüxoexü i nhama i naãnecüãxãrü ngüchaügü rü guxüma i to i chixexügü i napexewa ixüxü. Rü ngëma Tupana taxçax üxü tüxü nanguxëë na meã jigümaã icuaxgüãcüma togü i duüxügüpexewa rü Tupanapexewa meã imaxëxü i nhama i naãnewa. ¹³Rü tüxü nanguxëë ta na guxüguma meã ínanguxëëgüxüçax na nataeguxü ja Ngechuchu ja Cristu ja tórü maxëxëëruü ja tórü Tupana ja tacü ixücü. Erü Tanatü ja Tupana rü tamaã inaxuneta na wena tá nataeguxü ja

Ngechuchu, rü wüxi i taãé tá nixĩ i ngëxguma íngaxgu. ¹Rü nûma ga Ngechuchu rü taxçax naju na tüxũ íngaxũxëëxũçax nawa i guxũma i chixexũ, rü tüxũ jamexëëgũxũçax na aixcuma norü duũxũgü i mexũ ixĩgũxũçax rü aixcuma naxçax idaugũxũçax na guxũguma mexũ ixũgũxũçax. ¹⁵Rü ngëma ore tá nixĩ i duũxũgũxũ namaã cunáguxëëxũ rü nüxũ cunangúchaũxëëxũ na Tupanax namaxëxũçax. Rü ngëma oremaã tá aixcuma cujaxucuxëgü i duũxũgü erü Tupanatama nixĩ ja cuxũ mucü na ngëmaãcü cunaxũxũ. Rü tama name na texé cuxũ oxũ.

Nhuxãcü nanaxwaxe na namaxëxũ i ngëma jaxõgũxũ

3 ¹Rü ngëma jaxõgũxũ i duũxũgü rü name nixĩ i nüxna nüxũ cucuaxãchixëë na meã naga naxĩnüëxũçax i nachiũãneãrũ ãëxgacügü rü guxũma i togü i ãëxgacügü. ;Rü jaxucuxëgü na ínamemaregũxũçax na naxũgũãxũçax i guxũma i mexũ i puracügü! ²Rü tama name i texéchiga chixri nidexagü rü texémaã nanuë. Notürü name nixĩ i guxũ i duũxũgümaã namecümagü rü aixcuma guxũ i duũxũgũxũ nangechaũgü rü tama nügü ínarütägü. ³Rü name nixĩ i jaxna namaã taxĩnüë i ngëma tama jaxõgũxũ, jerü jixema rü ta ga ũpa rü chixri tamaxë, rü tama Tupanaga taxĩnüë. Rü itajarütaxe rü tórü ngúchaũ tüxũ napora. Rü chixexũgu rüxĩnüëãcuma tamaxë rü taxauxãchiwaxegü. Rü togü i duũxũgü tachi naxaie, rü jixema rü ta rü jigüchi taxaie ga wüxichigü. ⁴Notürü ga Tupana

ja tórü maxëxëëruũ rü tüxũ nüxũ nadauxëë ga nhuxãcü tamaã na namecümãxũ rü nhuxãcü guxũ i duũxũgũxũ nangechaũxũ. ⁵Rü jexguma nixĩ ga tüxũ namaxëxëëxũ. Rü tama çacü rü mexũ na ixũgũxũgagu nixĩ ga tüxũ namaxëxëëxũ, notürü tüxũ namaxëxëë jerü nüxũ tangechaũtümũgü. Rü Naãé i Üünexũ i tüxũ ngexwacaxũxëëxũãrũ poramaã Tupana tüxũ inajanaxoxëë ga tórü pecadu na ngexwacaxũxũ i duũxũgü ixĩgũxũçax. ⁶Rü Ngechuchu ja Cristu ja tórü Maxëxëëruũgagu nixĩ ga Tupana ga guxũma ga norü ngúchaũmaã tüxna namuãxũ ga Naãé i Üünexũ. ⁷Rü jemaãcü tamaã namecüma rü tüxũ narüngũxëë ga Tupana na aixcuma imexũçax i napexewa, rü na najauxgũxũçax i ngëma maxũ i taguma gũxũ i írünguxëëgũxũ. ⁸Rü guxũma i ngëma marü cumaã nüxũ chixuxũ rü aixcuma nixĩ. Rü ngëmacax chanaxwaxe i guxũguma nüxũ cuixu i ngëma ore na aixcuma mexũ naxũgũxũçax i ngëma duũxũgü i Tupanaãxũ jaxõgũxũ. Erü ngëma ore rü guxũwama name i guxãçax. ⁹;Notürü nüxna ixũgachi i ngëma dexagü i taxuwama mexũ i duũxũgü nawa nügü choxũgagũxũ rü ngëma oregü i nuxcümãxũgũxũ i duũxũgũchigamare ixĩgũxũ! ;Rü nüxna ixũgachi i ngëma nügü ngaexũ! ;Rü tama name na natanügu cuxãxũ i ngëma duũxũgü i nügiümaã nüxũ rünuëtanüciüxũ nachiga i ngëma mugü ga Muisë úmatüxũ! Erü guxũma i ngëma na nüxũ rünuëtanüciüxũ rü taxuwama name, rü notüçaxmamare nixĩ. ¹⁰Rü ngëxguma chi wüxie i

petanüwa rü chixexũ i nguxẽẽtaemaã ngẽma jaxõgüxũxũ titojegu, rü name nixĩ i tũmamaã nüxũ cuixu na tama ngexũ tawagüxũcax. Rü ngẽxguma tanaxüamagu, rü name nixĩ na wena tũmamaã nüxũ cuixuxũ. Rü ngẽxguma tama cuga taxĩnüchaũgu rü tanaxüamagu i ngẽma chixexũ rü name nixĩ i noxtacüma tüxũ ícumuxũchi natanüwa i ngẽma jaxõgüxũ. ¹¹Erü ngẽma chixri na tamaxũxüwa rü tá nüxũ cucuax na tachixeãẽxũ ja jíxema duũxẽ rü tũmaãrü pecadugagu tá nixĩ na pacocuxũ.

Tituxũ naxucuxẽ ga Pauru

¹²Rü ngẽxguma cuxũtawata chanamuxgu i Artema rü exna Tíquicu, rü chanaxwaxe i paxa Nicaporíchiuwa cuxũ na choxũ ícujadauxũcax. Erü ngẽma tá nixĩ i chanangupetüxẽxũ ja jima tawemacügü ja nagu nagáuanecü. ¹³Rü guxũma i cuxũ tauxchaxũmaã chanaxwaxe i nüxũ curüngüxẽẽ i

ãẽxgacü i Chena i Romacũãxgüarü mugüxũ cuáxũ rü Aporu na paxa núma naxĩxũcax. Rü chanaxwaxe i nüxna cunaxã i ngẽma nanaxwaxexũ i norü namawaũ na taxuũma nüxũ taxuxũcax. ¹⁴Rü ngẽma taeneẽgü i jaxõgüxũ, rü name nixĩ i nüxũ nacuaxgü na mexũ naxügüxũ rü togüxũ nangüxẽẽgüxũ ega facü nüxũ tauxgux. Rü ngẽmaãcü i ngẽma taeneẽgü i jaxõgüxũ rü aixcuma guxũwama tá name i norü maxũ.

**Pauru rü wenaxãrü Tituxũ
narümoxe rü naxcax ínaca na
Tupana nüxũ rüngüxẽẽxũcax**

¹⁵Rü guxũma i taeneẽgü i nuã chauxũtawata ngẽxmagüxũ rü cuxũ narümoxeẽgü. Rü ngẽxgumarüũ ta i chama rü chanaxwaxe i nüxũ curümoxe i taeneẽgü i jaxõgüxũ i cuxũtawata ngẽxmagüxũ. Rü chanaxwaxe i Tupana pexũ narüngüxẽẽ i guxãma i pemax.

*Rü nuãma cuxna,
Pauru*